

Бухорий ва Термизий меросига оид лойиҳалар яратилади



10:40 / 21.04.2025 825

Илм-фан ва маънавиятимиз тарихида чуқур из қолдирган буюк алломалар – Имом Бухорий ва Имом Термизий меросини кенг жамоатчиликка етказиш мақсадида бир қатор лойиҳалар амалга оширилади.

Имом Бухорийнинг муҳаддис сифатида ҳадис илми ривожига қўшган беназир ҳиссасини ёритиш мақсадида унинг ҳаёти давомида амалга оширган илмий сафарларини ўзида акс эттирувчи интерактив харита яратилади. Ушбу харита орқали Имом Бухорий босиб ўтган йўллар, ташриф буюрган шаҳарлари ва у ерда олган илмлари аниқ географик манзиллар асосида намоён этилади.

Тайёрланган контентлар доимий экспозиция таркибига киритилади. Харита орқали илмий ва тарғибий ишлар кенгайтирилади.

Ўзбекистон ва дунё архивлари ҳамда кутубхоналарида сақланаётган Имом Термизийга оид асарлар, хусусан, ноёб қўлёзмаларни тўплаш ва ўрганиш асосида электрон каталог шакллантирилади.

Шунингдек, қўлёзмаларнинг электрон нусхалари ва факсимилелари тайёрланади.

Имом Термизий ҳаёти ва илмий фаолиятига бағишланган видеоролик яратилади.

Тайёр контентлар экспозиция таркибига киритилади ва тадқиқотчилар ҳамда кенг жамоатчилик учун тақдим этилади.

Ушбу лойиҳалар, нафақат илмий-маърифий аҳамиятга эга бўлиб, балки миллий ўзлик ва маънавий меросни асраб-авайлаш ҳамда ёш авлодга етказишда муҳим қадам бўлади.